

Apòkrifë – 24 (Przede Jastroma, pòrene)

Przede Jastroma, pòrene

Całują na krzizu trupa

Nié jak Judasz! Leno w renë! -

Prosy probòszcz wiérnëch łupã

Stoją z przëtu Klara z córką

Z tëtu czurpie stôrô Anka

Bòles kùsznął téz figùrkã

Slënã rozcał pò tim lapką

Knòpk Mateùsz, z Czësti Wòdë

Jaż sã copnął, czej to widzy

Ale napiérają drëdzë –

Còrnął lëpą, chòc sã wstidzył

Grétka, co nosy aparat

Rok na zãbach, pòcałowa

W stopkã z gòdzã, a rôz w rãkã –

Dëtka w czipkã zaladowa

Róman trzeci dzén chrëpòli

W pãpk bël kùsznął swiãté cało

A Aniela w gãbã wòli –

Jesz je wëslizgónô mało

Léon, pón na „belwederze”,

Co to nie znô dnia na trézwò

Nie czëni òd jinëch gòrzi

Cmòk! – zarosłą flabą dristno

Tak całują stòri, młodi

Czësto zdrów a chòri czësto

Chłopa z brodą, kò tak kòzòł

Ksądz dobrodzëj swim òwieczkóm

Jeden parafialny baran

Nie zrobił jak jiny lëdze.

Nie chce z nima w régã stawac,

Bò sã prosto pò nich brzëdzy...

Tómk Fópka, Chwaszczëno, Wiòlgò Sobòta, 4 łżëkwiata 2015 rokù, gòdz. 11.15